


錢穀備要

六七



			九	漢
		二	二	書
		八	三	門
		一	〇	
		二	四	類
		冊	架	

五

天六
三四

内閣文庫	
番號	漢 9230
冊數	12 (9)
函號	296 113

共八



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



綴じ部(喉部分)の文字など開きが不鮮明な箇所あり

錢穀備要卷六目錄


武林長槐蔭庭編輯

廣陵羅允綏荔樵

同弟 又梧鳳借

叅訂

崑山後學陸天墀隴平校字



淺草大庫

錢穀備要

卷六目錄

一

錢穀備要卷六

廣陵羅公綬

同弟 又梧鳳借

武林王槐庭編輯


吳興後學陸天墀

催徵

一地丁錢糧經徵州縣官欠不及一分者停其陞
轉罰俸一年欠一分者降一級欠二分者降職
二級欠三分者降職三級欠四分者降職四級

錢穀備要

卷六 催徵



以上俱令戴罪徵收欠五分以上者革職直隸州知州經徵本州錢糧初叅亦照此例處分

一布政使知府經管錢糧道官直隸州知州欠不

及一分者停其陞轉罰俸半年欠一分者罰俸

一年欠二分者降職一級欠三分者降職二級

欠四分者降職三級欠五分者降職四級以上

俱令戴罪督催欠六分以上者革職

一巡撫欠不及一分者停其陞轉罰俸三個月欠

一分者罰俸一年欠二分者降俸二級欠三分

者降職一級欠四分者降職二級欠五分者降

職三級欠六分者降職四級俱令戴罪督催欠

七分以上者革職其直隸四川總督兼管甘肅

巡撫之陝甘總督順天奉天府尹督催未完俱

照巡撫例查議

一地丁錢糧被叅後催徵時州縣官限一年布政

使經管錢糧道官知府直隸州知州限一年半

巡撫限二年其年限內不完不復作分數照原
叅分數處分至直隸知州經徵本州錢糧叅後
未完照州縣官年限例處分

一州縣官原欠不及一分年限內不全完者降一
級暫任再限一年催徵如又不能完照依所降
一級調用原欠一分年限內不全完者降三級
調用如果能催徵完至八九釐者降三級暫任
再限一年催徵如仍不全完者降三級調用原

欠二分年限內不全完者降四級調用原欠三
分年限內不全完者降五級調用原欠四分以
上年限內不全完者革職直隸州知州經徵本
州錢糧叅後未完亦照此例處分

一巡撫布政使經管錢糧道官知府直隸州知州
原欠不及一分者限內不全完降一級戴罪督
催再限內不全完降二級戴罪督催三限內仍
不全完者降三級調用原欠一分至四分以

金泉係要

限內不全完者俱照州縣例處分衛所官員原
欠不及一分錢糧再限內不全完者降一級戴
罪催徵三限內仍不全完者降一級戴罪催徵
三限內仍不全完者降一級調用如有接徵接
催官員俱以到任之日為始接徵州縣衛所官
員限一年接催布政使道府直隸州知州限年
半接催巡撫限二年催完如不能完題參之日
照現在未完分數以初參例處分至於巡撫等
官被參催徵錢糧時年限已滿逾期該撫不將
自欠原參分數並布政司等官分數查參者察
出照原參分數加等議處以上限滿未完錢糧
大小各官初參所欠分數係

赦前一半

赦後一半如年限內將

赦前所欠分數已經全完止照

赦後未完分數處分如年限內將

錢糧

催徵

四

赦前所欠分數未經全完仍合

赦前

赦後照初參原欠分數一併處分如初參分數俱在赦前年限內未經全完仍照初參分數以初參例處

分如限滿未完錢糧各官限內又經遇

赦者扣除

赦前月日止以

赦後計算年限滿日查明題參照例處分如督撫疏

內未經分晰

赦前

赦後者照該督撫所開分數議處

一順天府屬各州縣徵收地丁錢糧及門攤染稅等項凡酌撥俸餉畱支經費并一切動支數目俱令一面詳報直督一面詳報府尹公同稽察每年報銷時列銜具題如有浮冒開銷該府尹移咨直督再行詳核如該府尹胥吏有藉端苛

求等弊亦令該督不時查察其府尹督催完欠分數考成悉照該督一例查辦

一隨漕輕齎等項錢糧漕白二種未完各官初叅考成

亦照此例州縣衛所直隸州知州知府糧道各官未

完分數俱照地丁錢糧例議處布政使無催漕之責免其叅處

一巡撫欠一二分者罰俸三個月欠三分者罰俸

六個月欠四分者罰俸一年欠五分者降俸一

級欠六分者降俸二級欠七分者降職一級欠

八分者降職二級以上俱令戴罪督催

一被叅後漕白糧未完各官二叅暨接徵接催官

考成俱照此例州縣衛所各官限一年糧道知府直

隸州知州限一年半巡撫限二年其年限內不

完者不復作分數照原叅分數處分如州縣官

員原欠分數年限內不全完者照州縣官地丁

錢糧限滿例議處

一巡撫糧道知府直隸州知州等官原欠不及一分限內不全完者俱照地丁錢糧限滿例議處原欠一分以上至四分以上限內不全完者俱照州縣限滿例議處至接徵接催之官以到任之日為始接徵州縣等官亦限一年接催糧道知府直隸州知州等官限一年半接催巡撫限二年催完如不能完題參之日照現在未完分數以初參例處分

一地丁錢糧併漕白二糧隨漕輕齋等項錢糧未完署官催徵督催處分俱照正官例議處署印官不及一月者免議

一白糧改折銀兩限文到六個月內全完如有不完者督催巡撫布政使糧道及府州縣等官俱照地丁錢糧考成例處分將未完錢糧再限六個月完結如限內又有不完者亦照地丁錢糧限滿例議處

一江蘇海州贛榆清河桃源宿遷沐陽阜寧等七州縣漕糧民折官辦各州縣所借司庫銀兩即行徵收其折漕價值統按每石二兩之數隨漕徵辦於奏銷前解司歸欵如有催徵不力即照漕糧未完分數之例分別參處倘承辦官徵收採買稍有侵漁浮冒以及產米地方官扶同捏報等弊即嚴參治罪

一徐淮等倉錢糧經徵州縣官欠不及一分者停陞督催欠一分者罰俸六個月欠二分者罰俸一年欠三分者降俸一級欠四分者降俸二級欠五分者降職一級欠六分者降職二級欠七分者降職三級欠八分者降職四級以上俱令戴罪徵收停其陞轉完日開復欠九分十分者俱革職

一布政使併管糧道官知府直隸州知州欠不及一分者停陞督催欠一分者罰俸三個月欠二

分者罰俸六個月欠三分者罰俸一年欠四分者降俸一級欠五分者降俸二級欠六分者降職一級欠七分者降職二級欠八分者降職三級欠九分者降職四級以上俱令戴罪督催停其陞轉完日開復欠十分者革職

一巡撫欠不及一分者停陞督催欠一分二分者罰俸三個月欠三分者罰俸六個月欠四分者罰俸一年欠五分者降俸一級欠六分者降俸二級欠七分者降職一級欠八分者降職二級

以上俱令戴罪督催停其陞轉完日開復

一署印官欠一分二分者罰俸三個月欠三分四分者罰俸六個月欠五分六分者罰俸九個月欠七分八分者罰俸一年欠九分十分者降一級調用欠不及一分併署印不及一月者免議其運官拖欠發南追比之漕糧河道驛站錢糧俱照此例處分

一徐淮等倉錢糧被叅後州縣官一年內全完限滿仍不全完題叅時其原欠不及一分者罰俸一年原欠一分二分者降三級調用原欠三分四分者降四級調用原欠五分六分者降五級調用原欠七分八分者革職

一布政使并管錢糧道官知府直隸州知州限年半全完如限內仍不全完其原欠不及一分者罰俸一年原欠一分二分者降三級調用原欠三分四分者降四級調用原欠五分六分者降五級調用原欠七分以上者革職

一巡撫限二年內全完如二年限滿仍不全完其原欠不及一分者罰俸一年原欠一分二分者降二級調用原欠三分四分者降三級調用原欠五分六分者降四級調用原欠七分八分者降五級調用原欠九分十分者革職其接徵接催官員俱以到任之日為始接徵州縣官員亦

限一年接催布政使道府直隸州知州限半年
接催巡撫限二年催完如不能完題參之日照
現在未完分數以初參例處分至帶徵積年拖
欠錢糧之大小各官不便與經徵官一體應限
二年內全完如二年內不全完俱以定例照職
任處分

一 蘆課錢糧未完大小各官或初參或限滿題參
者俱照徐淮等倉錢糧例處分

一 蘇松常鎮四府屬州縣官員本任經徵每年地
丁漕項錢糧如於奏銷時完至九分以上者其
接徵未完舊欠錢糧於年限滿日復參降調之
例改為降級留任再限一年催徵如仍不完照
伊所降之級調用其督催各官亦照此例議處
一 蘇松常鎮四府及各屬實係賦繁州縣錢糧一
官經徵三年每年俱係年清年款於本省奏銷
具題時全完者准其議敘即陞不得以參後續

完之案概行接算三年內有過奉蠲年分即將是年扣除換次年補足併計再請議敘

一江蘇地丁項下額徵本色米豆按額核作十分每年於十月初一日開徵起至次年三月底以六個月計算如有完解不全將已未完數目開列職名一併另冊題銷將經徵接徵各官按照未完分數議處初叅州縣官欠一分以上者罰俸六個月欠二分以上者住俸欠三分以上者降二級欠四分以上者降三級欠五分以上者革職俱令戴罪催徵完日奏請開復其叅後違限不完者加倍議處如已罰俸六個月者降一級已住俸者降二級已降二級者降四級已降三級者革職戴罪催徵完日奏請開復已革職戴罪者定降二級調用其督催之巡撫司府欠一分以上者罰俸三個月欠二分以上者罰俸六個月欠三分以上者住俸欠四分以上者降

二級欠五分以上者降三級欠六分以上者革職俱令戴罪督催完日開復其叅後違限不完者加倍議處已罰俸三個月者罰俸六個月已罰俸六個月者住俸住俸者降二級已降二級者降四級已降三級者革職戴罪督催完日奏請開復已革職戴罪者定降二級調用至州縣官欠不及一分者例不議處督催等官欠不及一分者亦毋庸議處其署印官照署徐淮等倉

錢糧事務例處分

一綏遠城同知經徵渾津黑河莊頭糧石朔平府同知承催駐馬口外莊頭糧石均照地方有司官例分別議敘議處分其土默特蒙古應交綏遠城同知糧石如蒙古官員經徵不力以該同知作為督催一併開叅

一大同朔平二府屬各州縣應徵本色及改徵米豆並豐鎮廳應徵太僕寺牧廠地畝本色米豆

俱於次年年底另冊奏銷凡經徵督催各官按其完欠分數俱照江蘇米豆另冊奏報之例分別初限滿議處

一山西右衛五旗牧廠餘地應徵租銀照地丁錢糧例按限徵收另冊題銷經徵之和林格爾清水河二通判督催之歸綏道及巡撫布政使均照大同朔平二府糧石奏銷之例按其完欠分數初限滿分別議處

一順天永保河等屬撥補地畝租銀經徵催徵州縣官員欠不及一分者停陞督催欠一分者罰俸三個月欠二分者罰俸六個月欠三分者罰俸一年欠四分者降職一級欠五分者降職二級欠六分者降職一級欠七分者降職二級欠八分者降職三級欠九分者降職四級以上俱令戴罪督催停其陞轉完日開復欠十分者革職

一布政使道府欠不及一分者免議欠一分者罰俸兩個月欠二分者罰俸三個月欠三分者罰俸六個月欠四分者罰俸一年欠五分者降俸一級欠六分者降俸二級欠七分者降職一級欠八分者降二級欠九分者降三級欠十分者降四級以上俱令戴罪督催俸完日開復

一總督欠不及一分者免議欠一分二分者罰俸兩個月欠三分者罰俸三個月欠四分者罰俸六個月欠五分者降俸一級欠六分者降俸二級欠七分者降職一級欠八分者降職二級欠九分以上者降職三級以上俱令戴罪督催俸其陞轉完日開復

一署印官欠不及一分者免議欠一分二分者罰俸兩個月欠三分四分者罰俸三個月欠五分六分者罰俸六個月欠七分八分者罰俸九個



月欠九分者罰俸一年欠十分者降一級調用
署印不及一月者免議

一此項銀兩州縣官員限一年全完如原欠不及
一分一年內不全完者罰俸九個月欠一分二
分一年內不全完者降二級調用欠三分四分
一年內不全完者降三級調用欠五分六分一
年內不全完者降四級調用欠七分八分一年
內不全完者降五級調用欠九分十分一年內
不全完者革職

一總督限兩年全完布政使道府限年半全完如
原欠不及一分年限內不全完者罰俸六個月
欠一分二分年限內不全完者降一級調用欠
三分四分年限內不全完者降二級調用欠五
分六分年限內不全完者降三級調用欠七分
八分年限內不全完者降四級調用欠九分十
分年限內不全完者降五級調用其接徵接催

官員俱以到任之日為始將接徵州縣官員亦限一年接催布政使道府限年半接催總督限二年如不全完者題參之日仍照初參例處分其總督二年限滿欸內限內不全完者降級調用之處俱改為降級留任其代徵租銀令關送本處給發民人如不給發照侵蝕例處分至原州縣官不關交代徵州縣催徵及不申報上司拖欠租銀將原州縣官員歸入正項錢糧分數內處分如已申報關催者免議

一

秦陵廣恩庫典買直隸清苑等州縣滋生旗地及內務

府莊頭退出地畝租銀未完大小各官或初參或限滿題參者俱照直屬撥補租銀例處分遇有參後全完分別題咨開復

一各省經徵南秋米石於次年五月終奏銷如有未完將經徵經催督催各官照地丁錢糧奏銷

未完例處分期限三個月全完如至八月終尚
未全完即照地丁錢糧一年限內不全完之例
分別寔降寔革即欠不及一分者亦從重照欠
一分之例處分

一浙省州縣官徵收南秋等米一千石以上至五
千石一年限內全完者照地丁不及五萬兩之
例紀錄一次五千石以上至一萬石者照十萬
兩以下之例紀錄二次一萬石以上者照十萬
兩以上之例紀錄三次督催糧道知府一萬石
以下一年限內全完者亦照地丁十萬兩以下
之例紀錄一次一萬石以上者照十萬兩以上
之例紀錄二次二萬石以上照二十萬兩之例
紀錄三次布政使照地丁議敘之例計算議敘
一各官屯照各所徵糧棉花鹽數目作為十分

歲終以清冊特差官二員分管欠不及一分者
罰俸半年欠一分者罰俸一年欠二分者降一

級畱任罰俸一年欠三分者降二級調用

盛京戶部侍郎有總管之責亦照統管屯數作為十分欠不及一分者罰俸三個月欠一分者罰俸六個月欠二分者罰俸一年欠三分者降一級畱任罰俸一年除額定糧棉花鹽數外有多納之莊頭仍照例給賞

一旗人所種地畝應交米豆草束經催督催各員徵糧一石作銀一兩考成如經催之員不及一千兩一年內通完者紀錄一次一千兩以上一年內通完者紀錄二次三千兩以上一年內通完者紀錄三次督催官不及五千兩一年內通完者紀錄一次五千兩以上一年內通完者紀錄二次一萬兩以上一年內通完者紀錄三次如催追不完計分數題叅經催之員欠一分者罰俸六個月欠二分者罰俸一年欠三分者降俸一級欠四分者降俸二級欠五分者降職一

及十萬而一年內全完者紀錄一次十萬而以上一年內全完者紀錄二次二十萬而以上一年內全完者紀錄三次督催布政使不及五十萬而一年內全完者紀錄一次五十萬而以上一年內全完者紀錄二次一百萬而以上一年內全完者加職一級其監屯同知通判督催衛所屯糧全完照督催知府例議敘經歷經徵衛銀已完而本色顏料併一應起解染項等銀未完者不准議敘至經徵州縣官將未完之錢糧捏以全完轉報或一年內二三官徵完之錢糧捏為一官徵完申報者州縣官革職司道府官各降一級調用巡撫降一級調用如州縣官申報未完司道府作完申報者司道府革職州縣官免議如司道府申報未完巡撫作完題報者巡撫革職司道府免議如起解錢糧並未起解

申報起解或庫內無銀申報有銀者各降二級
調用巡撫罰俸一年如一應批迴未領稱為已
領未發稱為已發者各罰俸一年

一署印官一年內錢糧全完者照例議敘

一各省地丁錢糧奏銷以前果能徵解通完准予
議敘滇省例應每年九月開徵次年三月通完
從無拖欠應將次年三月內一官徵解通完者
開入全完項下送部議敘如經徵官在三月以

後完解知府所屬有一處起解遲延者均不准
送部議敘

一節年拖欠之錢糧州縣官帶徵二年內全完一
萬兩以上者紀錄一次二萬兩以上者不論俸
滿陞轉其知府直隸州知州管錢糧道官帶徵
全完二萬兩以上者紀錄一次四萬兩以上者
紀錄二次六萬兩以上者不論俸滿陞轉布政
使帶徵全完十萬兩以上者紀錄一次二十萬

兩以上者紀錄二次三十萬以上者不論俸滿陞轉如帶徵錢糧全完而經徵錢糧不完仍不准議敘

一官員承追不作十分之雜項錢糧未完初叅降俸二級戴罪督催完日開復如未全完按限叅處將原叅之承追官罰俸一年仍令督催其上司俱免議

一現任官員本身應完奉追一切核減分賠者賠之雜項錢糧數在五百兩以下者准在藩庫應領養廉數內坐扣完納其有養廉在本處耗羨內自行留支者於各本員在任之日責令該管府州速行催追清結如有初限完解遲延本員降俸二級戴罪完納該管知府直隸州知州降俸一級督催限滿不完按年叅處將本員罰俸一年仍令完納該管知府直隸州知州罰俸六個月仍令督催順天府四路同知督催照知府

例其各州縣因事離任接任官於交代案內查明並無未完核減各項出具印結送查如有不行詳查遽行出結者將接任官照不行詳查給結例罰俸一年

一現任微員有應追未完銀兩查明委無產業不能依限完繳者將俸工養廉按年儘數坐扣完結如本係有力完繳徒借坐扣之名為延宕之計一經察出將本人及承追之員一併嚴叅議處

一凡各州縣春借常平倉糧與借給籽種口糧俱按年察核完欠數目如有未完在一百石以上者即將經徵之員照雜項錢糧例咨叅議處其該年因灾停緩倉糧歸入應徵年分統核完納分別開叅

一
雍和宮生息地租銀兩直屬州縣如有拖欠照雜項

錢糧未完例議處

一江省有漕各州縣將每年應徵行月錢糧於十月內按六分之數完解道庫給丁濟運如解不足六分之數有悞支放者卽咨叅將催徵州縣罰俸六個月再限三個月完解六分之數如仍不完罰俸一年浙江省嘉興湖州二府催徵白糧項下車夫等款錢糧亦照此例查叅議處

除照現在未完分數處分

一地丁漕項鹽課等項錢糧奏銷案內未完各官該督撫題叅到部戶部會同吏兵二部議處題覆如叅後有續報徵完經戶部議覆奉旨該省接准部文者該督撫將該員議處之案題請開復若未經題覆該督撫以叅後續完咨部者戶部卽於本案奏銷內扣除免議若該省續報叅後全完到部而部議已經奉

旨尚未行文者戶部即據咨改繕題本請

旨開復如續報全完各官已另案革職以及佐雜微

員該督撫毋庸概行具題止用咨文報明戶部

核明轉咨吏部分別扣除開復

一有司未完錢糧叅後續解全完者各該經管衙

門一面給與批收一面速報該督撫即行題請

開復如經申呈勒指不詳及遲延不報或不應

開復之官申詳開復者俱罰俸一年巡撫罰俸

六個月或已經開復之官重題開復及不列續

完各官職名者俱罰俸六個月

一凡拖欠在民錢糧革職降級官員未經離任之

先如能將拖欠錢糧全完者准其開復如該督

撫將離任官員題請留任其員缺雖擬有人而

未經奉

旨者將原官准其留任如員缺所補之人已經奉

旨將新官令其赴任原官令其赴部另補

一輸納錢糧小民自封投櫃照數填寫給與印票
爲憑如有紳衿及上司衙役將錢糧包攬等弊
該管官不行查出罰俸一年至州縣官有完糧
之民勒令不許填數及不給印票者將州縣官
革職拿問若司道府等官明知不報者革職詳
報督撫不行題叅者將督撫降五級調用

一官員如將侵欺錢糧及抗糧等項入犯並未逃
亡申報逃亡者俱降一級調用該管官罰俸一

年如並不起解侵欺抗糧人犯者亦以此例處
分如不行速解遲悞者罰俸一年該管官罰俸
六個月

一各標目兵有應輸之糧抗不完納者該州縣官
卽將未完錢糧數目開明移會本管官弁照數
追完移交州縣如不寔方催追完解卽照州縣
催徵錢糧未完分數例議處至上司書吏有抗
糧不納者該州縣官一面詳報上司一面嚴行

拘拿革役追比如本管上司有所庇袒護并該州縣有瞻徇容隱等弊均照徇庇例議處

一州縣等官私加火耗及私派加徵者革職拿問其司道府官員隱匿不報亦革職拿問若申報

督撫不題察者革職如各上司不知情者照不揭報劣員例分別議處如被旁人首告經司道府等官審出者其審出之司道府等官於未經

首告之前不行查出之處免其議處

一州縣官員如將已徵錢糧作為民欠或那用誑稱民欠者該州縣官革職拿問司道府等官明知朦隱不報者革職如申報督撫不行題察者

督撫降五級調用失於覺察者照預先不行查出例司道府降一級調用督撫罰俸一年

一烏魯木齊各項人犯已准為民之人撥給地畝

陞科令就近建倉完納收糧時責成專管員吉頭屯戶民事務把總經理仍令同知不時查察

如有浮收累民之事查出嚴叅治罪倘該同知失於查察或別經發覺即將同知一併嚴叅議處

一催徵一切正雜錢糧農忙蠶忙封印均應停徵一經徵錢糧專責印官該上司不得濫委府佐協徵滋擾違者叅處

一徵收地丁錢糧限二月開徵雲貴二省限九月開徵四月完半川陝二省五月停忙八月接徵福建省七月接徵

東河南暨安省廬鳳穎泗等屬十一月全完雲貴

六七兩月設價徵收聽民輸納二省次年錢糧在一兩以下屆完半之期不完

足數者准緩至八月接徵後全完

一民欠錢糧州縣官歲令里書將所管各戶完欠細數開送查對出示本里於比較日按欠摘催遇有交代遵限清查如有胥吏中飽等弊許完戶執持串票具控究處

一州縣催徵錢糧設立滾單每里之中每單或五

戶或十戶每戶名下注明田地若干該銀米若干分作十限每限應完銀米若干發給甲內簿名挨次滾催沉單者查明究處其不能行用滾單之廣西四川二省仍按戶聽民輸納

一州縣徵收錢糧紅簿令上年十月內申送布政

司鈐印江南浙江河南山東四川兩廣紅簿開州縣自行鈐印徵收毋庸鈐蓋司印

徵前領回於花戶完納時限同登記填發串票其一切徵收號簿每日提進內衙親查完欠發

出聽比如有假手戶書致有完多注少等弊該

督撫題叅以上並見戶部則例

欽定四庫全書
卷六

解支

一官員正項錢糧未經解送先給官役俸銀工食
或不按季給發全給重支或違例給發錢多銀
少者俱降一級調用轉詳官罰俸一年督撫罰
俸六個月

一官員應給民價不速給遲延者罰俸一年如半
給半不給者降二級調用竟不給者革職
一各營放餉遴委賢能官員親臨查閱抽封秤兌

錢糧通考

卷六 解支

三

按名散給如奉委官員監放推諉不親臨查閱者罰俸一年如已經親臨不抽封秤兌致有奸弁短少色數係失於詳查者監放官降一級調用如監放官知奸弁有扣剋情弊不即申報事發者監放官照狗庇例降三級調用如有通同扣剋情弊監放官一併革職提問如督撫已經查出通同扣剋情弊不行題參將督撫照狗庇例處分

一直隸各省兵餉協餉定為五分限四月內完二分半九月內全完如行師大兵軍餉協濟別省錢糧或慢或遲者革職支給本省兵餉或遲或悞者州縣官降三級司道府直隸州知州各降二級督撫各降一級俱令戴罪督催完日開復如所撥餉內有水旱等災蠲免或撥文未到之前別用併解部及重撥之項該省督撫等一面動用別項錢糧照限協解一面將動支緣由開

明題報如誘解借端詭行題報或所缺錢糧不
 動別項錢糧抵解以致遲悞者該管官革職布
 政使降三級調用督撫降二級留任至解餉省
 分督撫照所限月底將起解數目題報如不會
 起解誑以起解具題者革職不依所限月底題
 報者罰俸一年如已徵錢糧撥給稽遲以致兵
 逃兵譁或查報時將兵逃兵譁情由朦隱不報
 及報不是者俱革職該管各官將此等情由已
 經申報而該督撫不行糾叅者降二級調用如
 已經安定者免議其不候所限四九月分錢糧
 撥時即將十分全徵者經徵官員降二級調用
 督催官員降一級調用督撫罰俸一年如官員
 解送錢糧等項沿途停擱日期者罰俸一年
 一部撥錢糧關係軍需若限期急迫不能送到預
 先具題展限如擅改部限者降二級調用
 一凡地方有軍需公務督撫不及咨題者行令該

州縣墊辦或那庫項或墊已肯先行詳明督撫
辦完十日內即照實價申詳院司道府限兩月
內核明題銷倘州縣申報過限或督撫題報後
期戶部查明違限月日係何員遲延即將何員
與吏部照奏銷錢糧冊造報遲延例分別議處
若該州縣報價不寔及督撫不據寔核明題報
希圖冒銷者戶部題叅州縣官照侵欺例治罪
督撫司道等官俱照徇庇例議處

一雍正六年九月二十三日奉

上諭論語曰百姓足君孰與不足朕宵旰孜孜惟以
足民益下為念是以各省逋賦則蠲至數百萬每
年正額則免至數十萬凡興作工程俱支國帑偶
逢旱澇蠲賑兼施此中外所共知共見者乃邇年
以來各省督撫等有以地方舊有之項不敢入已
奏請歸公者比時陳奉之際似出急公奉法之心
今細加體察此等欸項多係地方相沿之積弊歷

年未革之陋規不取之於民即取之於國者一種欺世盜名之督撫往往奏請歸公以博清廉之美譽更有本係一己之賍私入己囊橐又恐敗露不敢私吞不得已而奏請歸公以益前愆又或回護前任之員而奏請歸公以掩其短則是諸臣欲沽一己之名欲逃一己之罪而巧借奉公之說爲此遮飾之計也着各省督撫等悉心確查若無礙於國無礙於民可以歸公之項則將緣由備細聲明具摺陳奏候朕批示其有上竊之於國而下竊之於民者則應永行裁革不許借歸公之名以遂其私心而掩其積弊如有仍蹈舊習者經朕察出定嚴加處分特諭欽此

一各省凡有提解耗羨之處必遇有地方公事方許動支其動支數目令經管該司於離任陞轉之時造冊交與接管官查核如有非關地方公事擅自動支者該司即據實報部題叅如該司

不報後經查出將該司與支給官員俱照違例
支給例議處

一直省文職各官養廉毋得預借倘藩司預行給
借照正項錢糧違例支給例議處

一凡各省文職官員留支俸銀轉飭經徵各州縣
於季首造具俸冊申送藩司核明發單支給倘

各員內遇有降罰及缺官等項應扣銀兩朦混
冒支者即將冒支之本員及瞻徇違例支給之

州縣照例分別題參重處仍令藩司不時查察
倘藩司書吏人等有借端勒索故為遲延等弊

即行嚴加究治如該司失察一併照例議處
一滇省州縣存倉米石換年支放撥米之法俱在

一站二站以至三站之內如糧道需索州縣使
費挾私徇利照貪官例革職提問督撫不行糾

叅照狗庇例降三級調用若督撫亦因以為利
不顧小民苦累將督撫照溺職例革職

一貴州應行撥濟苗疆兵采之州縣照稽查漕運之法令經徵收米各員及運米經過各地方官將起運過境及收到米數各日期一體通報并督飭該管道府就近實力稽查如撫司委員抽查據報有私折捏報虛冒脚價及短發扣剋累民各情弊與受槩行叅革從重治罪道府失察狗隱分別糾叅撫司查察不力一併交部嚴加議處該撫於年終將各屬解收兵米有無弊混之處專摺奏

聞

- 一官員將官兵朋扣買馬銀兩不扣者罰俸六個月巡撫罰俸三個月
- 一官員起解兵餉協餉漕糧白糧本色顏料等項如該管司道府等官不委現任佐貳濫委廢官匪人解送或中途悞失者原委之官罰俸六個月如解官起解錢糧侵欺潛逃者原委之官降



一級留任如不曾差官批內填寫差官均罰俸一年

一凡官員奉上司委解各項差務藉病推諉規避者革職

一各省領帑買運鹽斤及辦運銅鉛令該委員俟領解之日將鹽包銅鉛斤數一面申報原委督撫一面申報沿途督撫一俟入境即報明地方官查驗至出境時該地方官驗明無事即具出

境印結申報該管上司並知會接省地方官一體查驗但不得因有盤查出結之責藉端留難不顧委員守候稽遲以致違限如有在境盜賣捏報遭風失火情事該地方官立即申報本境督撫題叅究擬不得諉之原委省分督撫致滋疎縱倘經過地方文武官弁有瞻徇隱匿不行申報境內督撫別經發覺將地方文武官弁俱照糧船疏報漂沒汎地文武各官不親臨確勘

例革職如地方官已經申報而境內督撫不嚴查叅奏者照不揭報劣員例降三級調用倘有藉端畱難等弊該督撫等亦應一體嚴查如經過地方官故為勒指以致出境稽遲照勒指交代例降二級調用失察該管上司照失於查察例罰俸一年

一各省採辦撥運糧石經由江洋黃河偶遇風浪猝被漂失者着令辦運各員立即報明所在地方飛往勘訊明確果無虛捏別情取具承勘不扶印結申詳督撫司道核實一面咨部一面移咨辦運省分照例具題請豁若遇失水該運官並不報明地方官將運官照沉溺漕船不報例降一級調用如有乘機侵盜等弊革職治罪未經題豁之先不將失水情形立即勘明預報鄰省之督撫照失於查察例罰俸一年所在官司有瞻徇草率扶同出結情弊照沿途催趲各官

不親臨確勘的寔遽出保結例革職如督撫不嚴查確寔遽行題豁後至詐冒事發將具題之督撫降二級調用所豁糧石照例着落承辦及出結各員名下按數分賠

一官員將不應起解之錢糧違例解者罰俸一年或應解本色錢糧解送折色者降一級調用

一官員起解錢糧不行詳查銀匠銀內攬和鉛砂者降三級調用巡撫罰俸一年如解送潮銀者

降一級調用巡撫罰俸六個月

一凡錢糧物料等項解送到部俱限一月查核明白掣給批廻倘於限內不行查收及不給發批廻者該堂官即行查叅將該司官照逾限例議處至書役人等指稱估驗掣批掛號等項費用名色借端包攬索詐者許解官解役即於該衙門首告將包攬索詐之人交與刑部治罪係官革職仍交與刑部治罪如該管官失察者照失

察衙役犯贓例議處如明知不舉者照狗庇例
降三級調用如解官預先囑托和同行賄聽其
包攬者與受財人一體治罪如虧空着令賠補
者俟完日給批不在計限之內

一官員不對閱部檔支給口糧地土者章京等罰
俸兩個月筆帖式等罰俸一個月

一各州縣起解錢糧將銀批齊赴巡撫衙門驗明
銀數發司交兌五日內布政使出具庫收粘連
原批送巡撫衙門銷號或巡撫因公他出委按
察使代驗報明如州縣以空批報解併布政使
不依定限送巡撫衙門銷號者該撫即行題參
將空批報解之州縣官降二級調用不依定限
銷號之布政使罰俸一年

一供應進剿大兵糧餉等項俱准動用正項錢糧
至徵收錢糧原定本年催徵並無將次年錢糧
隔年預先徵收之處但恐有不肖官員給價短

少以致累民將錢糧於上年預徵者該督撫等
嚴行查禁如有將支應芻粟物料不發現銀採
買借取於民給價短少以致累民者督撫查叅
將州縣等官革職拿問明知不報之司道府官
員亦革職拿問詳報不叅之督撫革職其違例
上年預徵錢糧督撫查叅照私派例將州縣等
官革職拿問司道府各官明知不報者將司道
府各官革職詳報督撫不行題叅者將督撫降
五級調用其預徵錢糧即准為次年正項錢糧
一各省採買米豆草束估價俱照督撫所定已經
停止戶部駁查如估價多開者或被旁人首告
或被科道叅奏審係情是原估官員革職提問
轉申官員各降四級調用奏銷督撫各降二級
調用如督撫布政使道府等官通同多算者俱
革職提問凡米豆草束多算被上司查出督撫
查叅者上司督撫俱免其處分其餘估零屋雜

項既經部駁重估所估價值不詳確時價值
妄行浮開者罰俸一年巡撫罰俸六個月

一一應軍前供應米豆草束等項如有地方官員
將價值浮冒開銷等弊督撫查出題叅俱照貪
官例革職拿問如奏銷完結之後或被科道糾
察或被旁人舉首將督撫一併俱照貪官例治
罪其舉首之人若係官員照伊應陞之品加一
等優陞若係旗下民人授為七品官至民間運

到米豆草束地方州縣官員故意遲延勒捐刁
難需索又州縣官解到米豆草束司道府等官
有故意延挨勒捐刁難需索等項情弊督撫查
出題叅將經收官員俱照貪官例革職拿問此
等情弊被害之人控告督撫而督撫不行准接
糾叅將督撫亦照貪官例革職治罪如督撫不
行查出或被科道糾叅或被旁人舉首其督撫
各降四級調用該管司道府等官革職至軍前

運到米豆草束等項經收委部章京并武官延
挨勒措刁難需索等弊將軍及領兵大員查出
題叅俱照貪官例革職拿問此等情弊經收官
員申明將軍領兵大員叅贊大臣亦俱照貪官
例治罪將軍領兵大員不行查出或被科道糾
叅或被旁人舉首將將軍領兵大員叅贊大臣
降四級調用其該管武官革職其出首之人係
官照伊應陞之品加一等優陞若係旗下民人

授爲七品官至出征將軍領兵大員并大小官
員及督撫提鎮以下大小官員筆帖式

欽差部差官員筆帖式科道翰林等官販買米豆草
束等物囑托地方官多取價值或將民間所賣
米豆草束作爲已物囑托地方官令其收買并
經理地方官將所囑托米豆草束等物徇庇收
買俱照貪官例革職拿問至已備本色不行收
納有勒措折價者將軍領兵大員及督撫查出

題參俱照貪官例革職拿問將軍領兵大員督撫不行查出或被科道糾察或被旁人舉首將軍領兵大員督撫各降四級調用司道府等官并該管武官俱行革職出首之人若係官員照伊應陞之缺先用若係旗下民人授為七品官至將軍領兵大員大小官員并督撫提鎮以下大小官員筆帖式及

欽差部差官員筆帖式科道翰林等官將本身馬匹

狗情囑托送入驛站營伍馬匹數內多取價值一應購買馬匹不開實價以少為多濫行開銷者俱照貪官例革職拿問若驛站營伍官員人等申明督撫提鎮而不行題參或不行查出奏銷完結之後或被科道糾察或被旁人舉首將督撫提鎮俱照貪官例革職治罪出首之人若係官員照伊應陞之品加一等優陞若係旗下民人授為七品官

一各省採買米豆等項如地方官員收取米豆等項有不給價銀或於部定價值內尅減短少者亦照此定例處分

一額買顏料等項錢糧各州縣三月內解銀知府卽採辦差官於本年十月內押運進京交納如州縣徵銀不足解府遲悞及知府採辦稽遲起運違限者俱降職一級完日開復督撫限本年二月內估價題報如該撫估價題報逾期不至布政使督催不力完欠罔稽俱罰俸六個月其解官中途乾沒交納短少者卽照侵欺例治罪如久追無完令該知府補足不得派民若本年本色物料歲內不能全完者督催巡撫布政使俱降俸一級戴罪督催完日開復如知府採辦稽遲先給空批卸罪解官者降一級調用或採買不堪用者罰俸一年其承估布政使不照時價確估妄行多開者罰俸一年巡撫罰俸六個

錢業作取
月如顏料等項不與上司驗看解送徑行解部者罰俸六個月

一解官到部稽遲所解錢糧全完者一月內仍免其議處逾一月以外者照解送兵餉沿途停攔日期例罰俸一年

一官員採辦一切物件等項督撫以不能按限完解題請展限經部覆准之後仍不依限完解者將原題請之督撫罰俸六個月

一凡外省衙門造送部科及內外各衙門冊檔表箋陋規嚴行禁革如有借表箋冊檔名色科歛者該督撫科道查叅照貪婪例處分其內外書辦借稱紙筆需費有所收受者計贓科罪該管官失察照例議處

一雍正八年九月十一日奉

上諭從前直省應行起運錢糧該省撫藩以解部爲艱每至撥餉之時百計營求借備公協餉之名存

留本省而戶曹堂司亦就中漁利徇情將雜項稅
 課盡留司庫正項解部者亦屬寥寥以致外省撫
 藩得藉存庫名色通同那用而州縣效尤亦不肯
 隨徵隨解官侵吏蝕虧空曩曩自怡賢王總理戶
 部以來與二三大臣同心釐整直省一切正雜錢
 糧除實在存留并各封貯數十萬兩以備公用外
 其餘悉於春秋二季按數撥解從此各官不敢復
 有虛收虛報之弊地方大吏亦咸知怡賢親王秉

正持公之心不可以營求幸免是以虧空漸清帑
 藏充裕今怡賢親王仙逝戶部大臣仍遵守遺規
 未嘗稍易但恐不肖司官及奸猾胥吏乘間覬覦
 希圖撞騙而無知外吏或與倖可以復行舊習稍
 留掩藏虧空餘地仍令書吏家人到京鑽營亦未
 可定倘有此等或經戶部大臣察出叅奏或朕親
 有訪聞定將該撫藩革職究擬司官書吏即行正
 法決不姑貸大學士等傳諭中外知之特諭欽此

一各省囚糧口糧棉衣藥劑棺木等項按數支給
核實報銷倘有官吏尅扣冒銷等弊該督撫立
卽題奏將該管官革職提問書役照律治罪如
係衙役侵扣冒銷本官知情者照縱役貪贓例
革職止係失察仍照衙役犯贓例分別議處
一凡完交追賠各項銀兩或有完交在先後經核
明浮於寔追之數者准將浮交之數給還
一官員應完咨追銀兩如係虧空賠補及核減分

賠等項毋庸歸欵者於所在地方就近完交在
旗由都統出批交部在外省由藩庫核收報撥
均由部知照原追省分銷案倘所追銀兩係借
墊等項本省無可開除者令追完省分於報部
入撥後行知原追省分酌動閒欵分別歸補報
部查核

一原任官有核減分賠代賠着賠等銀不係侵貪
重欵數在十兩以下者原官或經物故或一時

欽定大清會典事例

查無其人承追官即於額設公費內代完銷案不必輾轉行追若數在十兩以上及數雖無多而係侵貪重款者仍由本員及該家屬名下根查追給

一各省存庫未領俸工養廉銀兩於報銷後勒限一年飭領清楚軍需工程等項銀兩於本案准銷後統以承辦官奉文之日起勒限二年飭領清楚如逾限不領槩行提歸原款報部撥用

一陞遷事故離任官員如有未領俸廉及應找工程銀兩該上司查明除現有應繳應賠之項即行按數劃抵其無應繳應賠而逾限不領者即提歸原款報撥如本員名下雖現無應追之項而尚有承辦工程等項未經核銷者即將該員應支銀款暫停給領俟事竣報銷後查明如有應追銀兩即於應領銀內扣抵仍行知本員新任原籍其並無追賠款項及應賠銀兩照數扣

錢糧備案

卷六 解支

序

抵外尚有應找銀兩者統於另案銷結後勒限二年行知飭領至陞遷他省者由該員本任行文接任官加結請領事故回籍者呈明本籍地方官出具印領由後任官加結請領倘逾限不領者即行提歸原款報部充餉

一各項應行移解正雜銀兩如總督兼轄省分彼此有領可抵者准其一體停解報撥於報部文內聲明查核 以上見戶部則例

豁免

一旗員有外任應追欠項初務已經查明題豁者續有別案追項准其并案咨結

一離任官應追欠項本旗本籍一面督屬嚴追一面通查該員歷過任所果無財產隱寄由任所官出具切實印結移送本旗本籍由本旗本籍加結題請豁免倘題豁以後別經發覺財產儘數入官仍將任所出結官員革職原豁銀兩並

着賠還

一籍隸大興宛平二縣人員有原任應追欠項經大宛二縣查無家產者仍通行直隸省分及該員流寓地方一體確查出結由順天府會同直隸總督題豁

一官員欠帑無完係戶屬核減項下如採買水脚等款者據實題豁免治本員之罪如係經費項下之長支溢領悞發及分賠之項非由屬員侵

欺代賠着賠之項失於詳查與夫格於常例不准開銷等款為數不及一千兩者查實後亦准免罪題豁其數至一千兩以上者題豁時或將該本員照工程核減無完治罪之例減一等問擬或免其治罪之處於題豁疏內聲敘情節請旨定奪

錢穀備要卷六 終

錢穀備要

卷六

錢穀備要卷七目錄

武林王又槐陰庭編輯

廣陵羅允綏荔樵 參訂

同弟 又梧鳳偕

吳興樓學陸天墀隳平校字

災賑總例

錢穀備要

卷七目錄

一

錢穀備要卷之七

錢穀備要卷之七

廣陵羅允綏荔枝

武林王又槐陸庭編輯

回第 又梧鳳偕 恭訂

吳興後學陸天堦陸平學

災賑總例

一夏災不出六月下旬秋災不出九月下旬該督撫先將被災情形日期題報如州縣詳報到省在限外而扣算程途日期尚未逾限者免其揭

錢穀備要

卷七

災賑總例

一

參如遲報逾限半月以內者罰俸六個月逾限一月以內者罰俸一年逾限一月以外者降一級調用逾限二月以外者降二級調用逾限三月以外怠緩已甚者革職巡撫布政使道府等官以州縣報到之日起算如有遲逾照例一體處分其被災分數限四十五日查明造冊題報照例扣算程途將已未違限月日分晰聲明如不依限造冊題報州縣道府布政使巡撫各官

亦照前例議處至官員勘災不委廳員印官乃

委教官雜職查勘或妄報饑荒或地方有異災

水旱等災不在此內不申報者俱罰俸一年若止報巡撫

不報總督及報災之時未送印結冊內不分晰

明白者罰俸六個月督撫亦照此例議處又尸例載

甘肅省地氣較遲夏災不出七月半秋災不出十月半

一官員將蠲免銀兩增多減少造入冊內者州縣

官降二級調用司道府官罰俸一年督撫罰俸

六個月如被災未經題免之先報冊內填八蠲免者州縣官罰俸一年該管上司俱罰俸六個月其蠲免錢糧數目於具題請賑之日起再扣兩個月造報題達如有遲延照造報各項文冊違限例分別議處

一州縣遇有報潦之處令地方官親歷確勘被淹根由據實通報如有隱瞞不報及將成災報作不成災者俱題參革職永不敘用如不實心確

勘少報分數者照溺職例革職

一沿河州縣報潦令地方官會同河員確勘如有查勘不實及隱瞞民災等弊將河員一併題參照地方官例分別議處

一凡鄰省歉收告糴本地方官禁止米糧出境者該督撫據實題參將州縣官降一級留任不揭報之該管上司罰俸一年不題參之督撫罰俸六個月倘本省歉收米糧不敷民食而奸民射

利之徒私行販運出境於民生亦有未便令該督撫酌量情形擬定題明許其暫行禁止

一雍正六年八月十七日奉

上諭蝗蝻最爲田禾之害然迅加撲滅可以人力勝之昔我

聖祖仁皇帝訓飭地方諄諄以捕蝗爲急務其不力者加以處分無非養民防患之至意乃州縣有司往往沅忽從事不盡心奉行而小民性耽安逸

憚於捕滅之勞且愚昧無知又恐捕撲多人以致殘傷禾黍貽顧遲迴不肯盡力不知蝻子初生就地撲滅易於驅除一或稍懈聽其生翅飛揚則人力難施且至蔓延他境爲害不可言矣前江南總督范時繹摺奏邳州地方有蝗蝻萌生朕卽諭令竭力撲滅旋經該督奏聞該地方已經撲盡比卽批諭范時繹云撲盡之說朕實未信須令有司實力奉行無俾遺種莫被屬員蒙蔽近聞彼處蝗蟲

該地方官竝未用力撲滅與朕前旨相符矣地方官如此怠玩從事而督撫尸位付之不聞是何理也着范時繹查明題叅並將督撫交部嚴加議處以儆怠玩嗣後各省地方如有蝗蝻爲害之處必根究其起於何地其不將蝻子卽時撲滅之地方官着革職拿問若蝗蟲所到之地而該地方官玩忽從事不盡力撲滅者亦着革職拿問并將該督撫嚴加議處特諭欽此

一州縣官遇有蝗蝻不早撲除以致長翅飛騰貽害田稼者均革職拿問交部治罪該管知府直隸知州不行查報者亦革職司道督撫不行查叅降三級調用若不速催撲捕者道府降三級畱任布政使降二級畱任督撫降一級畱任該督撫等不得以該道府前經節次督催現在摺報於本內聲敘邀免處分協捕官不實力協捕以致養成羽翼爲害禾稼者將所委協捕各官

革職至州縣官捕蝗需用兵役民夫并換易收
買蝻子費用應准其動公若所費無多自行捐
辦而寔能去害利稼者該督撫據寔奏請議敘
捕蝗議敘
另條詳載其已動公項而仍致滋害傷稼者奏
着賠

一乾隆三十五年六月十七日奉

上諭據胡文伯奏補蝗懈緩之署宿州知州張夢
班等一摺已批交部嚴察議奏至另摺所稱前因

蝻孽尚未飛騰遠去地方官皆督夫撲捕未經奏
奏等語是誠何言甚屬非是地方偶有蝻孽萌生
或有先期雨澤稀少更值天氣炎熱勢難保其必
無朕亦何嘗因一經生蝻遽科有司之罪司民牧
者平時自當悉心體察防於未然及生發之初卽
力為設法搜捕原可不畱遺孽以人力勝之果其
捕除迅速方當交部議敘以示獎勵若始事既已
玩延浸至飛颺滋蔓漸益孽生其為貽害田禾將

復何所底止是以捕蝗定例恭嚴朕於玩視民瘼之劣員從不肯少爲寬貸而於捕治蝗蝻之實政亦不容稍有稽延卽如今年夏直隸近畿州縣多有蝻子間段長發朕旣責令大吏率屬尅期撲捕有諉卸貽誤者令該督指名嚴叅治罪並特派侍衛等前往竭力會辦所至卽隨時淨盡不致傷損庄稼可見捕蝗並非人力難施之事任封疆者豈可徇州縣官詭飾之詞因循姑息不聞閭爲亟亟除大患乎且蝗蝻自初生以至跳躍俱有踪跡可尋縱使長翅飛騰究不離旁近地面安能遠越百餘里外成羣停集卽或疆壤毗連偶然飛入地方官亦當上緊集夫撲滅保衛農田若意存珍職藉口鄰封以致耽延日久其與本境滋長者何異况飛蝗所起之處遺蝻必不能盡絕原難掩人耳目是辦理捕蝗之事祇應就現有蝗蝻處所視地方官之用力不用力以定功罪不必更問起自何方

若置現在而不論轉欲究所從來則如裴曰修前此查捕武清東安飛蝗輒謂其生於河淀無人之地為怠玩屬員預留開脫地步不復切實跟查豈可為訓今胡文伯所稱尚未速去為該知州寬免處分其見與裴曰修相去無幾於事理全未體會徒使黠猾之吏以蝗不出境苟幸無事為得計誰復肯及時力捕盡心民事乎是胡文伯失察生蝗之處分尚輕而為劣員文過之情節較重胡文

伯着交部嚴加議處嗣後捕蝗不力之地方官並就現有飛蝗之處予以處分毋庸查究來踪致生推諉着為令並將此通諭各督撫知之欽此
一凡有蝗蝻地方文武官弁有能合力搜捕應時撲滅者該督撫確查具題准其紀錄一次
一凡遇災荒之年州縣官將民之苦情不詳報上司使民無處可愬事發州縣官革職永不敘用若州縣已經詳報而上司並不准接題達者將



上司亦革職至於賑濟被災之民及蠲免錢糧州縣官有借民肥已使民不沾實惠等弊將州縣官照倉官例革職拿問其督撫布政使道府等官不行稽查令州縣任意侵蝕者俱革職

一乾隆十九年正月兩江總督鄂容安以興化縣

知縣劉霖攬和賑米題參奉

旨劉霖承辦賑務將米石攬和糠粃短缺升合此與尋常侵欺帑項不同災民嗷嗷待哺爲民父母者

卽實心辦理如數給發尚恐其不免饑餒而乘機侵扣罔恤民命此豈有人心者該督撫訪查確鑿自應嚴參照例請旨革職拿問若僅照常題參審訊何以懲儆貪邪劉霖着革職拿問所有攬和米色及虧空帑項一併嚴審究追按律定擬具奏嗣後有似此而該督撫仍視爲泛常不照例革職拿問者該部卽治督撫以徇庇之罪該部知道欽此

一地方時值偏災蠲免賑濟倘有不肖書役暗中

扣剋詭名冒領致惠民正項徒飽奸吏私囊而
災黎反致失所該州縣漫無覺察者降二級調
用至平糶借穀原因地方收成歉薄米價騰貴
藉以惠濟小民如地方州縣官不寔方稽查致
書役包買漁利勒捐出入者降一級調用如胥
吏人等有前項等弊州縣官既已覺察而故為
容隱者將該州縣革職

一乾隆元年七月初五日奉

上諭地方偶有水旱之事凡查勘戶口造具冊籍頭
緒繁多勢不得不經由胥役里保之手其所需飯
食舟車紙張等項費用朕聞竟有派累民間並且
有取給於被災之戶口者若遇明察之有司尚知
稽查禁約至昏憤庸懦者則置若罔聞益滋間
之擾矣嗣後直省州縣倘遇查勘水旱等事凡一
切飯食盤費及造冊紙張各費俱酌量動用存公
銀兩毋許絲毫派累地方若州縣官不能詳察嚴

禁以致胥役里保仍蹈故轍舞弊蠹民者着該督撫立即題參從重議處該部通行曉諭知之欽此
一乾隆二十二年七月初七日奉

上諭向來直省遇有偏災本邑正佐不敷分辨例委鄰封州縣及佐貳雜職試用等官協同查辦原期體察周詳勿致遺濫乃委員往往以例無處分事非切已不過扶同具結虛應故事甚非差委本意委員既經派遣則承辦皆分內之事自應與地方

官功過一體嗣後委員內如有查災不據寔揭報辦賑不寔心挨查草率從事仍前玩忽者該督撫查明題參照地方查辦災賑不寔一體處分着為例欽此

一地方如遇災賑飭令有司預將查明分數賑恤事宜先行宣示務令愚民洞悉規條俾知

大澤難以濫邀非分不可妄異倘有聚眾囂凌情弊該管督撫詳加確訪如果有司玩視民瘼卽查

明照例嚴叅倘係不肖奸民藉端要挾以及縱容婦女生事卽按律分別究擬毋得遽揭屬員致長澆風

一各州縣養濟院孤貧逐一嚴查凡不願居住院內冒濫食糧之輩悉行革除將境內實係老疾無依之人取結收院頂補其餘多者准作額外孤貧收養俱將實在人數註明年貌按照額內額外造冊出結由府加結轉送上司備查遇有

汰革病故頂補新收等項隨時報明上司支放孤貧銀米時正印官或因地方公事不能親身散給卽遴委誠寔之佐貳等官親詣給發槩不得令胥役丐頭經手以致侵漁中飽仍於年底造四柱清冊并給過口糧柴布銀數分送上司查核該管道府每年遇盤查時或踏勘公事卽帶原送花名年貌冊籍赴養濟院點驗果係房屋完整孤貧實住在院並無冒濫情弊出具印

結報明上司如有房屋坍塌孤貧不盡住院或
年貌不符冒濫給糧者將該管官照違例支給
例降一級調用道府不行查驗遽加結轉詳照
違例支給之轉詳官例罰俸一年若係縱令胥
役孤頭等代領以致冒領侵蝕該管官照縱役
犯贓例革職道府不行查出照預先不行查出
例降一級調用倘道府有狗庇容隱及扶同率
結者均照狗庇例降三級調用

文武官員劄付旗牌等項被火焚燒者均免議
仍准題請重結

一五城所屬地方如有失火延燒房屋十間以下
即行撲滅各官俱免議其不能撲滅延燒十一
間以上至三十間者該管官罰俸九個月吏目所管
地方以吏目為該管官副指揮巡城御史罰俸
三個月延燒三十一間以上者該管官罰俸一
年巡城御史罰俸六個月延燒三百間以上者

該管官降一級調用巡城御史罰俸一年延燒
四百間以上者該管官降二級調用巡城御史
降一級畱任延燒六百間以上者該管官降三
級調用巡城御史降一級調用

一外省地方失火延燒民房如係城內將該管州
縣照五城失火議處吏目副指揮例按延燒房
屋間數分別議處同城府道照議處巡城御史
例分別查議其城外村庄失火該管府道照議

如延燒民房十間以下卽行撲滅該管州縣駐
劄佐雜等官亦免其議處其無駐劄佐雜地方
延燒民房十間以上至一百間者該管州縣官
罰俸九個月延燒一百間以上者罰俸一年延
燒五百間以上者降一級調用有駐劄佐雜地
方失火將佐雜官照該管州縣官例分別議處
州縣照武職兼轄官例延燒十一間以上者罰
俸六個月一百間以上者罰俸九個月五百間

以上者降一級留任

一官員該管地方失火延燒文卷及官倉米石者

罰俸一年如將錢糧文冊不貯公所攜藏私家

或交衙役以致被焚者降一級調用如燒燬民

房又延燒文卷官倉錢糧文冊等項者事屬相

因應照例從重歸結如延燒民房十間以上例

官倉從重議以罰俸一年延燒官倉例止罰俸

一年因其延燒民房五百間以上從重議以降

一州縣地方被災該督撫一面題報情形一面於

知府同知通判內遴委委員沿河地方會同該

州縣迅詣災所履畝確勘將被災分數按照區

畝村庄逐加分別申報司道該管道員覆行稽

查加結詳請督撫具題倘或刪減分數嚴加議

處其勘報限期州縣官扣除程限定限四十日

上司官以州縣報到日為始定限五日統於四

十五日內勘明題報

一州縣勘報續被災傷分數除旱災以漸而成仍照四十日正限勘報外其原報被水被霜被風災地續災較重距原報情形之日在十五日以外者准於正限外展限二十日勘過距原報情形之日未過十五日者統於正限內勘報請題不准展限若已過初災勘報正限之後續被重災准另起限期勘報

一委員協助災務不據是勘報扶同具結者與本

管官一例處分其勘災道府大員不親往踏勘祇據印委各官印結率行加結轉報者該督撫題叅

一遇災傷異常之地責成該督撫輕騎減從親往踏勘將應行賑卹事宜一面奏聞如濫委屬員貽悞滋弊及聽從不肖有司違例供應者嚴加議處凡督撫親勘災地係督撫同城省分酌留一員彈壓係督撫專駐省分酌留藩臬兩司彈

壓

一地方報災之後該管官若將所報災地目為指荒地畝不合趕種畱待勘報分數致悞農時者

上司屬員一例嚴加議處

一凡水旱成災地方官將災戶原納地丁正賦作為十分按災請蠲被災十分者蠲正賦十分之已被災九分者蠲正賦十分之六被災八分者蠲正賦十分之四被災七分者蠲正賦十分之

二被災六分五分者蠲正賦十分之一山西省

未經攤徵之丁銀及無地灾戶丁銀統隨地糧

應蠲分數一律請蠲於蠲免冊內分款造報奉

天省被災丁銀按成災分數分年帶徵

一勘明災地錢糧勘報之日即行停徵所停錢糧

係被災十分九分八分者分作三年帶徵係被

災七分六分五分者分作二年帶徵其五分以

下不成災地畝錢糧有奉

旨緩徵及督撫題明緩徵者緩至次年麥熟以後其
次年麥熟錢糧通行緩至秋成若被災之年深
冬方得雨雪及積水方退者該督撫另疏題明
將應緩至麥熟以後錢糧再緩至秋成以後新
舊並納

一直省成災五分以上州縣中之成熟鄉庄應徵
錢糧准其一體緩至次年秋成後徵收

一凡災蠲地丁正賦之年其隨正耗羨銀兩按照
被災分數一律驗蠲

一民田內應徵漕糧及漕項銀米被災之年或應
分年帶徵或與地丁正耗錢糧一律蠲免該督
撫臨時確核另案具題請

旨定奪

一八官旗地被災該管官將災戶原納租銀作為
十分按災請蠲被災十分者蠲原租十分之五
被災九分者蠲原租十分之四被災八分者蠲

原租十分之二被災七分者蠲原租十分之一
被災六分以下不作成災分數其原納租銀槩
緩至來年麥熟後啓徵

一江蘇省吳縣公田一萬二千五百餘畝額徵餘
租米石如遇歉收之年准其照民田之例勘明
災分同該縣正賦一律蠲緩

一恭遇蠲免錢糧以奉

旨之日爲始其奉

旨以後文到以前已輸在官者准流抵次年應完正
賦若官吏朦混隱匿照侵盜錢糧律治罪

雍正十三年十一月奉

上諭朕臨御以來加惠元元將雍正十二年以前各
省民欠錢糧悉行寬免誠以民爲邦本治天下之
道莫先於愛民愛民之道以減賦蠲租爲首務也
惟是輸納錢糧多由業戶則蠲免之典大槩業戶
邀恩者居多彼無業窮民終歲勤動按產輸糧未

被國家之恩尚非公溥之義若欲照所蠲之數履
畝除租繩以官法則勢有不能徒滋紛擾然業戶
受朕惠者尚十捐其五以分惠佃戶亦未爲不可
近聞江南已有嚮義樂輸之業戶情願蠲免佃戶
之租者閭閻興仁讓之風朕實嘉悅其令所在有
司善爲勸諭各業戶酌量寬減彼佃戶之租不必
限定分數使耕作貧民有餘糧以贍妻子若有素
封業戶能善體此意加惠佃戶者則酌量獎賞之
其不願者聽之亦不得勉強從事此非捐修公項
之比有司當善體朕意虚心開導以興仁讓而均
惠澤若彼刁頑佃戶藉此觀望遷延則仍治以抗
租之罪朕視天下業戶佃戶皆吾赤子恩欲其均
也業戶霑朕之恩佃戶又得拜業戶之惠則君民
一心彼此體卹以人和感召
天和行見風雨以時履豐可慶矣欽此
一州縣災蠲錢糧及蒙

恩指蠲分數錢糧該管官奉蠲之後遵照出示曉諭
刊刻免單按戶付執並取具里長甘結詳請咨
送部科察核若不給免單或給而不實該官吏
均以違

旨計贓論罪胥役需索按律嚴究失察官議處

一州縣衛所官奉蠲錢糧或先期徵存不行流抵
或既奉蠲免不為扣除或故行出示遲延指稱
別有徵欸及雖為扣除而不及蠲額者均以侵

欺論罪失察各上司俱分別查議

一凡災地應賑戶口印委正佐官分地確查親填
入冊不得假手胥役其災戶內有貢監生員赤
貧應賑者責成該學教官冊報入賑倘有不肖
紳衿及吏役人等串通捏冒察出革究若查賑
官開報不實或徇縱冒濫或挾私妄駁者均以
不職叅治

一凡地方被災該管官一面將田地成災分數依

限勘報一面將應賑戶口迅查開賑另詳請題
若災戶數少易於查察者即於踏勘災田限內
帶查併報

一民田秋月水旱成災該督撫一面題報情形一
面飭屬發倉將乏食貧民不論成災分數均先
行正賑一個月盛京旗地官莊地及站丁被
災各先借一個月口糧即於加
賑月分內扣除不作正賑民
地被災正賑例與直省同仍於四十五日限
內按查明成災分數分晰極貧次貧具題加賑

盛京旗地官莊地及站丁被災十分者極貧
被災加賑均不論極貧次貧

加賑四個月次貧加賑三個月盛京旗地官
莊地被災十分

者加賑五個月站丁被災九分者極貧加賑

三個月次貧加賑兩個月盛京旗地官莊地
被災九分者加賑五

個月站丁被災九分者被災八分七分者極貧加賑

兩個月次貧加賑一個月盛京旗地被災八
分七分者加賑四個

月官莊地被災八分者加賑五個月被災七分

者加賑四個月站丁被災七分八分者加賑九
個月被災六分者極貧加賑一個月盛京旗地
被災六分者



加賑三個月官莊地被災六分者加賑六個月被災五

分者酌借來春口糧盛京旗地官莊地被災

被災五分者應賑每口米數大口日給米五合

小口二合五勺按日合月小建扣除盛京旗地官莊地

站丁災賑米數大口月給米一斗五升銀米兼

給穀則倍之貧生饑軍各隨坐落地方與賑江

省各衛饑軍准其一體與賑住居災地營民除

餘家口仍聞散貧民同力田災民一體給賑聞

賑歸來者並准八冊賑卹貧生賑糧由該學教

官散給災民賑糧由州縣親身散給江南省泗州衛饑軍

由該衛自行散給州縣不能兼顧該督撫委員協同辦

理凡散賑處所在城設廠之外仍於四鄉分廠

其運米脚費同賑濟銀米事竣一體題銷若賑

畢之後間遇青黃不接仍准該州縣詳請平糶

或酌借口糧其有連年積歉及當年災出非常

須於正賑加賑之外再加賑卹者該督撫臨時

題請

一民田夏月風雹旱蝗水溢成災若秋禾播種可

望收成者統俟秋穫時確勘分數另行辦理其

播種較晚必需接濟者酌借籽種口糧秋後免

息還倉若播種止有一季夏月被災即照秋災

例辦理其播種兩季地方既被夏災不能復種

秋禾者亦即照秋災例辦理

錢沙淤石壓每畝給修復銀二錢○湖南省水冲田禾每畝給修復銀二錢○廣西省水冲田禾

壓田地每畝給賑銀五分○廣西省沙壓田禾須挑挖補種者每畝給賑銀三錢穀五斗水浸

田禾尚可修復者每畝借給穀五斗田畝被冲不能修復者計口賑銀每大口銀三錢小口銀

二錢按畝賑穀每畝穀五斗○雲南省水冲田地每畝給挑培銀三錢沙壓田地每畝給挑培

銀二錢

一州縣散賑責成該管道府監察如州縣辦理不

實不力致有遺濫累及災民者揭報該督撫以

不職題叅其協辦賑務正佐官扶同捏結與本

管官一例處分若道府不親往督查率捷州縣

印結加結申報者該督撫指名題奏

一地方遇有賑卹該管官將所報成災分數應賑

戶口月分先期宣示及賑畢再將已賑戶口銀

米各數覆行通諭若宣示本無不實賑濟亦無

遺濫而奸民藉端要挾請賑者依律究擬

一凡折賑米價有奉

恩旨加增折給者以奉

旨之日為始其奉

旨以前仍按定價折給事竣分晰日期報銷直隸省

賑每米一石定價銀一兩二錢貧生折賑每米

一石定價銀一兩○河南浙江江西三省折賑

每米一石定價一兩二錢每穀一石定價六錢

○山東江蘇安徽湖北湖南甘肅雲南七省折

賑每米一石定價一兩每穀一石定價五錢○

山西省折賑每米一石定價一兩六錢每穀一

石定價九錢六分○奉天省折賑每米一石定

價六錢每穀一石定價三錢○陝西省折賑每

米一石定價一兩二錢每穀一石定價六錢

○福建廣東廣西四川貴州五省向不折賑

一地方猝被水災該管官確查冲坍房屋淹斃人

畜分別撫卹用過銀兩統入田地災案內報銷

一奉天省水冲旗民房屋修費銀全冲者每間三兩尚有木料者每間二兩尚有上蓋者每間八錢凡驗給坍塌房修費以二人合給一間銀兩如人口數多所住房少仍按實住間數核給又淹斃人口埋葬每口給倉米五石無家屬者官爲驗埋

一直隸省水冲民房修費銀全冲者死房每間一兩六錢土草房每間八錢尚有木料者死房每

間一兩土草房每間五錢稍有坍塌者死房每間六錢土草房每間三錢如死草房全應移建者每間加地基銀五錢凡驗給坍塌房修費每戶仍不得過三間之數又淹斃人口埋葬銀每大口二兩每小口一兩

一山東省水冲民房露宿之時不論極貧次貧又次貧按戶先給搭棚銀五錢水退後分別驗給修費銀兩極貧每戶一兩五錢次貧每戶一兩

又次貧每戶五錢淹斃人口埋葬銀每大口一兩每小口五錢

一山西省水冲民房修費銀全坍者瓦房每間一兩二錢土房每間八錢半坍者瓦房每間五錢土房每間四錢淹斃人口埋葬銀每大口一兩每小口五錢

一河南省水冲民房修費銀瓦房每間一兩草房每間五錢淹斃人口埋葬銀每大口一兩每小

口五錢

一江蘇省水冲民房修費銀瓦房每間七錢五分草房每間四錢五分淹斃人口埋葬銀每大口自五錢至八錢為率每小口自二錢五分至四錢為率

一安徽省水冲民房修費銀極貧之戶瓦房每間四錢草房每間三錢次貧之戶瓦房每間三錢草房每間二錢淹斃人口埋葬銀每大口一兩

每小口五錢

一江西省水冲民房修費銀瓦房每間八錢草房每間五錢淹斃人口埋葬銀每大口一兩五錢每小口八錢

一福建省水冲民房修費銀瓦房每間五錢草房每間瓦披每間各二錢五分草披每間一錢二分五釐淹斃人口埋葬銀每大口一兩每小口五錢擊破漂沒民船修費銀大船每隻三兩中

船每隻二兩小船每隻一兩生存舵工水手量給路費

一浙江省水冲民房修費銀樓房每間二兩瓦平房每間一兩草房每間五錢草披每間二錢五分淹斃人口埋葬銀每大口二兩每小口一兩
一湖北湖南二省水冲民房修費銀瓦房每間五錢草房每間三錢淹斃人口埋葬銀每大口一兩每小口五錢

一陝西省水冲民房修費銀全冲者瓦房每間二兩草房每間一兩未全冲者半給淹斃人口埋葬銀每大口二兩每小口一兩淹斃牲畜無論數目每戶給銀五錢

一甘肅省水冲民房修費銀冲沒無存者每間一兩冲倒者每間五錢淹斃人口埋葬銀每大口

二兩每小口一兩冲斃牲畜每戶給銀五錢

一四川省水冲民房修費銀冲沒者瓦房每間二兩草房每間一兩坍塌者瓦房每間一兩草房

每間五錢凡被冲瓦草房竹木尚存者每間修費銀自一錢至五錢為率按情形輕重核給淹斃人口埋葬銀每大口二兩每小口一兩

一廣東省水冲民房修費銀大瓦房全倒者每間一兩半倒者每間五錢小瓦房大草房大茅草

房全倒者每間五錢半倒者每間二錢五分小

草房小茅草房全倒者每間二錢五分半倒者



每間一錢二分五釐吹揭瓦房每間一錢擊破
漂沒民船修費銀大船每隻一兩小船每隻三
錢淹斃人口埋葬銀每大口二兩每小口一兩
壓傷人口撫卹銀每口三錢

一廣西省水冲民房修費銀瓦房每間銀八錢米
五斗草房每間銀五錢米五斗淹斃人口埋葬
銀每口一兩冲壞水車修費銀大者每座四錢
中者每座三錢小者每座二錢冲壞堰壩修費

銀每座自六兩至十兩為率按情形輕重核給

一雲南省水冲民房修費銀瓦房每間一兩五錢
草房每間一兩坵墻修費銀每堵二錢淹斃人
口埋葬銀每口一兩五錢

一貴州省水冲民房修費銀瓦房每間八錢草房
每間五錢淹斃人口埋葬銀每大口二兩每小
口一兩

一民間失火延燒房屋地方官確勘情形酌加撫

卹所需銀兩於存公項下支銷

一京師五城每年十月初一日起至次年三月二

十日止按城設廠煮粥賑濟每城每日給十成

稔米二石柴薪銀一兩每年開賑之初由部先

期題明知照都察院暨倉場衙門屆期該巡城

御史備具文領徑赴倉場衙門請領米石并赴

部請領薪銀每日散賑由該御史親身散給該

都察院堂官不時稽察倘有不肖官吏私易米

色通同侵蝕者指名題參每年用過銀米由五

城報銷乾隆四十年遇閏十月經都察院照例具奏於閏十月朔開賑欽奉諭旨

展於十月十五日開賑等因欽遵在案

一直省省會地方照京師五城例冬月煮賑江蘇省長

洲元和吳縣每歲歲底各設一廠煮賑豐年煮賑一個月歉歲加展一個月每大口日需粥米

二合每小口日需粥米一合每大小口四口日需菹菜一勛每勛銷價銀一分每廠書役九

名每名日給飯米一升每廠水夫一十二名每名日給工食米三升每用米一石需薯糠一

十七挽每挽銷價銀九厘每廠日需草一担每担銷價銀一錢每廠夜需燈油一勛每勛銷價

災賑總例

銀四分五厘每廠所需搭棚工料添備什物價
銀隨時核寔支銷凡米石於鎮江府截漕贈米
內動給銀兩於存公項下動給○江西省城南
昌新建每歲歲底煮賑以四五十日為率不論
大小口每日需粥米四合每廠小夫二十名
每日共給食米一斗所需米石於節備倉穀項
下動給○陝西省咸寧長安二縣每歲歲底設
廠煮賑以一月四五十日為率所需銀米於道
倉盈餘項下動給 其或夏秋被災較重例賑之外准於

近城處所煮粥兼賑

一凡紳衿士民有於歉歲出資捐賑者准親赴布
政司衙門具呈不許州縣查報其本人所捐之

項並聽自行經理事竣由督撫核寔捐數多者

題請議敘少者給與匾額若州縣官抑勒派捐

或以少報多濫邀議敘者從重議處土豪胥吏

於該戶樂輸時干涉漁利者依律查究

一鹽商於地方偏災樂為捐賑者聽其自便若糾

結公捐而暗增成本借名取償者查究失察之

該管官併予議處

一凡查勘地方災賑除現在正印及丞倅等管不

准支給盤費外教職及縣丞佐雜候補試用等

官俱按日支給盤費山西福建二省所帶書吏

跟役口糧雜費均一體支銷奉天省等官每員

日給盤費銀三錢准帶跟役二名巡檢典史等

官每員日給盤費銀一錢五分准帶跟役一名

凡跟役每名日給飯食銀五分所查係大州縣

准帶書役四名中州縣准帶書役三名小州縣

准帶書役二名凡書役每直隸省官每員日給

名日給飯食紙筆銀一錢六分六厘有奇准帶書役四名每廠准設書役

二名書役四名斗級四名每名日給飯食銀四

分給單造冊等項紙張每萬山東省官每員日

戶給銀七兩六錢七分有奇

跟役四名每名日給銀五分造冊書役每名日

給銀六分紙張筆墨等銀按賑穀每千石給

銀八錢山西省委員隨帶書役人等每名日給飯

用紙張筆墨等銀河南省日給盤費銀一錢隨

事竣核實報銷帶承書一名跟役一名正印官隨帶承書一名

跟役二名每名均日給飯食銀三分造冊紙張

每千戶給銀六分四厘賑票紙張每千戶給銀

八分四厘繕寫冊籍每千戶給飯食銀三分

江蘇安徽湖南三省試用候補官每員日給盤

日給盤費銀一錢書役每名日給飯食銀五分

給單造冊紙張工費每千戶給單費銀二錢造

冊每頁給福建省委員隨帶書役每名日給飯

銀二厘食銀二分雇倩繕書每名日

錢

錢

給工雇筆資銀五分造冊
筆墨紙張油燭核實報銷
員日給盤費銀一錢每官一員隨帶承書一名
正印官帶跟役二名佐雜官帶跟役一名俱每
名日給盤費銀三分造冊紙張每千戶給銀每
六分四厘賑票紙價每千戶給銀八分四厘
江省官每員日給薪水銀一錢坐船一隻日給
名日給飯食銀三分小船一隻日給船錢飯食
銀二錢隨從人役三名五名不等每名日給飯
食銀三分般一隻日給船錢飯食銀二錢散給
銀米廠所書沒匠人俱照例支給造冊籍紙
張於公費等銀內
動用據實造銷
紙張銀
十兩
陝西省派委鄰屬官員及本州縣佐雜
每官一員日給口食銀八分
湖北省一兩每州縣給造冊
官每員日給盤費銀
給查造冊籍紙
錢散給
每名日給
給船錢飯食
一隻日給
隨帶經書二名
一錢坐船一隻
給銀八分四厘
千戶給銀每
紙張每千戶
造冊紙張每
佐雜官帶跟
一錢每官一
員隨帶承書
雜教職官每
江西省試用知縣
五分造冊
核實報銷
一錢每官一
員隨帶承書
一名
帶跟役一名
俱每
名日給盤費
銀三分
造冊紙張每
千戶給銀每
六分四厘
賑票紙價每
千戶給銀八
分四厘
江省官每員
日給薪水銀
一錢坐船一
隻日給
名日給飯食
銀三分小船
一隻日給船
錢飯食
銀二錢隨從
人役三名五
名不等每名
日給飯
食銀三分般
一隻日給船
錢飯食銀二
錢散給
銀米廠所書
沒匠人俱照
例支給造冊
籍紙
張於公費等
銀內
動用據實造
銷
紙張銀
十兩
陝西省派委
鄰屬官員及
本州縣佐雜
每官一員日
給口食銀八
分

滯書役工匠人等每名日給口食銀四分調委
隔屬官員每官一員日支口食銀一錢跟役每
名日支口食銀五分官役每員名各給騎驛一
頭每頭每百里給腳價銀二錢查造冊籍印刷
販票包封賑銀封袋等項
所須紙張價備核實造銷
跟役一名日給盤費銀五分官役各給
馱驛一頭每頭每百里給腳價銀二錢
地方官及委員道府州縣每員帶書辦二名差
役三名馬夫一名佐雜等官帶書辦一名差役
一名每名日給米一京升鹽菜銀一分五厘造
冊所須紙筆飯食人工等項每冊一百頁共給銀
一分於司庫銅
息銀內給發

直省濱臨湖河低窪之處向有蝗蝻之害者青

成地方官督率鄉民隨時體察早為防範一有
蝻種萌動即多撥兵役人夫及時撲捕或掘地
取種或於水涸草枯之時縱火焚燒設法消滅
如州縣官不早撲除以致長翅飛騰者均革職
拿問

一地方遇有蝗蝻一面通報上司一面徑移鄰封
州縣星馳協捕其通報文內即將有蝗鄉村鄰
近某州縣業經移文協捕之處逐一聲明仍將

鄰封官到境日期續報上司查核若鄰封官推
諉遷延嚴參議處

一換易收買蝗蝻及捕蝗兵役人夫酌給飯食俱
准動支公項令同城教職佐雜等官會同地方
官給發開報該管上司核寔報銷其有所費無
多地方官自行給辦寔能去害利稼者該督撫
據寔奏請議敘其已動公項仍致滋害傷稼者

奏請着賠

直隸省捕蝗人夫分別大口每名給
錢十文米一升小口每名給錢五文

米五合每錢一千每米一石俱作銀一兩長蘆
所屬塩場地方雇夫撲捕壯丁日給米一升幼
丁日給米五合又老幼男婦自行撲捕一斗給
米五升○江蘇省捕蝗雇募人夫每名日給倉
米一升每處每日所集人夫不得過五百名收
買蝗蛹每斗給錢二十文挖掘種每升給錢
一十文○安徽省捕蝗雇募人夫每夫一名日
給米一升每處每日最多者不過五百名挖掘
未出土蛹子每斗給銀五錢已出土跳躍成形
者每斗給錢二十文長翅飛騰者每斗給錢四
十文每草一束價銀五厘每柴一束價銀一
分每日每處柴不過一百束草不過二百束

一地方遇有蝗蝻州縣官輕騎減從督率佐雜等
官處處親到偕民撲捕隨地住宿寺廟不得派

民供應州縣報有蝗蝻該上司躬親督捕夫馬
不得派自民間如違例滋擾跟役密索藉端科
派者該管督撫嚴查從重治罪

一地方官撲捕蝗蝻需用民夫不得委之胥役地
保科派擾累倘農民畏向他處撲捕有妨農務
勾通地甲胥役囑托賣放及貧民希圖捕蝗得
價私匿蝻種聽其滋生延害者均按律嚴懲治
罪

一地方督捕蝗蝻凡人夫聚集處所踐傷田禾該地方官查明所損確數核給價值據是報銷上

見戶部則例

一衛所田地被災秦蠲錢糧有已徵在官不准留抵次年錢糧者有未徵在官不與扣除蠲免一概混徵侵蝕者或於督撫具題之時先行停徵十分之三及部覆之後題定蠲免分數故將告示遲延不即通行曉諭者或稱止蠲起運不蠲

存留使小民僅沾其半者或將賑濟災民及蠲免錢糧借民肥己者衛所官俱革職提問若將蠲免銀兩多減造入冊內者衛所官降二級調用或被災之處未經題免之先報冊內填入蠲免者衛所官罰俸一年

一武職員弁專汎地方遇有蝗蝻生發毋庸查究來踪即就現有飛蝗之處如能迅速協捕應時撲滅者該督撫確查具題紀錄一次其不及早

問

問

金葉作身

合力撲捕以致長翅飛騰專汎官革職該管上司不速催撲捕者兼轄官降二級留任統轄官降一級留任提鎮罰俸一年若兼轄提督總兵各官有不行查報及不移會督撫題察者兼轄官革職統轄提督總兵各官降三級調用

一衛所管員奉委協捕蝗蝻不肯寔方撲捕以致養成羽翼為害禾稼者革職

以上見中樞政考

錢穀備要卷之七終

